

Komisionet e përhershme janë organe kolegjiale, që kryejnë funksione në fushat e përcaktuara në Statut, që lidhen kryesisht me kualifikimin shkencor dhe promovimin akademik, garantimin e standardeve të cilësisë të institucionit dhe programeve të studimit, me mbarëvajtjen e veprimtarisë së tij dhe marrëdhëniet me studentët, në përputhje me misionin dhe politikën e UK-së.

Komisionet e përhershme e ushtrojnë veprimtarinë e tyre dhe marrin vendime sipas kompetencave të parashikuara në ligjin nr. 80/2015 "Për arsimin e lartë dhe kërkimin shkencor në institucionet e arsimit të lartë në Republikën e Shqipërisë" dhe në Statut.

Komisionet e Përhershme përbëhen prej jo më pak se pesë anëtarësh dhe krijohen në shkallë universiteti dhe njësisë kryesore.

Anëtarët e Komisioneve të Përhershme të universitetit vetëkandidohen dhe zgjidhen nga Senati Akademik për një mandat dyvjeçar, me të drejtë rizgjedhjeje.

Anëtarët e Komisioneve të Përhershme të njësisë kryesore vetëkandidohen dhe zgjidhen nga asambleja e personelit akademik të njësisë kryesore midis anëtarëve të saj, për një mandat dyvjeçar, me të drejtë rizgjedhjeje.

Në rastin e dhënies së gradës shkencore "Doktor", asambleja e personelit akademik të njësisë kryesore përzgjedh nga personeli akademik i njësisë kryesore përkatëse anëtarët e Komisionit të Përhershëm, që monitorojnë procesin për dhënien e gradës shkencore. Ata mbajnë titullin "Profesor" ose "Profesor i asociuar". Anëtarët e këtij komisioni kanë mandat dyvjeçar me të drejtë rizgjedhjeje.

Në rastet kur universiteti plotëson kushtet për dhënien e titujve akademikë "Profesor" dhe "Profesor i asociuar", Senati Akademik përzgjedh nga personeli akademik i njësisë kryesore anëtarët e Komisionit për Promovimin e Personelit Akademik. Ata mbajnë titullin "Profesor". Anëtarët e këtij komisioni kanë mandat dyvjeçar, me të drejtë rizgjedhjeje.

Në përbërje të komisioneve të përhershme përfaqësohen dhe studentët, sipas përcaktimeve të statutit, me përjashtim të Komisionit për Dhënien e Gradës Shkencore "Doktor" dhe Komisionit për Promovimin e Personelit Akademik.

Procedura e zgjedhjes së anëtarëve të komisioneve përcaktohet nga rregullorja e zgjedhjeve të Një anëtar i personelit akademik me kohë të plotë apo student, mund të jetë anëtar vetëm në një komision të përhershëm UK-së.

Kryetarët e komisioneve zgjidhen nga Senati Akademik ose nga anëtarët e vetë komisionit sipas rregulloreve përkatëse.

Kompetencat dhe sfera e veprimtarisë së këtyre komisioneve, si dhe funksionimi dhe organizimi i tyre, përcaktohen në Rregulloren e çdo Komisioni, që hartohet nga vetë ai dhe miratohet nga Senati Akademik.

Senati Akademik i UK-së ngre komisionet e përhershme në nivel institucional si më poshtë:

a) Komisioni i Sigurimit të Cilësisë, Programeve të Studimit e Kërkimit Shkencor;

- b) Komisioni i Botimeve;
- c) Komisioni i Zgjedhjeve.

- ❖ Komisioni Institucional i Zgjedhjeve (KIZ) të Universitetit “Fan S. Noli” Korçë, përbëhet nga:
  - Dr. Evjonda Pylli - Kryetar, personel akademik, Fakulteti i Edukimit dhe Filologjisë
  - Artur Prifti – Sekretar
  - Dr. Klaudia Lipi - personel akademik, Fakulteti i Ekonomisë
  - Msc. Katerina Pikuli - personel akademik, Fakulteti Bujqësisë
  - Dr. Marijon Pano - personel akademik, Fakulteti i Shkencave Natyrore dhe Shkencave Humane
  - Kostika Vasili - student